



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1635. usque ad annum 1643

**Fleury, Claude**

**August. Vind. [u.a.], 1779**

**VD18 9011888X**

§. 92. Suecorum res in Imperio.

---

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

postquam Galli relictis eidem stipulis Sæc. XVII.  
 am suas mesuissent segetes, Mense Ju- A. C. 1639  
 lio anni sequentis, liber dimissus est,  
 qui omni ope destitutus, dein ad Sue-  
 cos contendit, quos tamen suarum ma-  
 gis rerum, quam alienarum studiosos  
 experiri cogebatur: Galli autem Bri-  
 sacco potiti, haud ultra promissorum,  
 quæ Vinariensibus Tribunis fecerunt,  
 memores erant, huncque exercitum,  
 ne ullo unquam tempore Gallis Bava-  
 risque formidandus esset, toto studio  
 imminuere nitebantur.

## §. XCII.

*Suecorum res in Imperio.*

Interim Suecorum res in Imperio non *Le Blanc.*  
 sine magno rei Catholicæ dispendio *Hist. de Ba-*  
 majora adhuc ceperunt incrementa; *vier. t. 4.*  
 Bannerius enim, postquam Saxoniz Infe- *Adl. An-*  
 rioris Ordines, ut neutri parti adhære- *nal. Bois.*  
 rent, induxerat, Laueburgico Duce *tom. 3.*  
 haud invito, Albin trajecit, indeque  
 in Saxoniam & Thuringiam effusus,  
 in ipsos Franconiz fines irrupit. Tum  
 vero Marchiam Brandeburgicam ra-  
 pido victoriarum cursu emensus, Land-  
 spergam, Francofurtum, Berlinum,  
 Brandenburgum, pluresque alias haud  
 ignobiles urbes partim Præfectorum  
 perfidia, partim vi, astu, ac deditione

U 4

intra

Sæc. XVII. intra tridui spatium subegit, cæsisque  
A. C. 1639. Cæsareis, captoque Salisio eorum Du-  
 ctore in Superiorem Saxoniam movit,  
 ubi Halam, aliasque civitates & mu-  
 nimenta occupavit. Inconstantis ta-  
 men fortunæ ludibrio exponebatur Ban-  
 nerius apud Fribergam Saxoniz ur-  
 bem, a cujus obsidione non sine ma-  
 gna fuorum clade repellebatur: brevi  
 tamen hanc ignominiam vindicabat,  
 dum profligatis Marazini Cæsarei Du-  
 cis copiis in Silesiam, Bohemiamque  
 irrupit, totque victoriis ferox, victri-  
 cem exercitum ad ipsa Prægiæ mœnia  
 admovit, missoque tibicine deditionem  
 fieri postulavit: cum vero Schlickius  
 Comes Urbis Gubernator cuncta ad va-  
 lidam defensionem parasset, Bannerius  
 de successu desperans, mutato obsidio-  
 nis consilio per universam Bohemiam  
 populatione, cædibus & incendiis gra-  
 fabatur, funesta ubique Suevicæ inhu-  
 manitatis monumenta relinquens: Ce-  
 terum, ne latius progredierentur, sub-  
 inde Melchior Comes Hatzfeldius, ob-  
 jectis Cæsareis legionibus impedivit:  
 Cæsar interim summi Pontificis opem  
 implorabat, hic tamen Venetorum  
 bellum cum Turcis obtendens, sese  
 excusabat, hinc Ferdinandus alieni  
 auxilii spe destitutus, omni qua potuit  
 celeritate, triginta millium agmen con-  
 traxit.

traxit, ac Leopoldum Guilielmum Ar-  
 chiducem Fratrem suum, eoquod Ga-  
 llius excufata valetudine miffionem  
 petiffet, supremum militiæ Præfectum  
 dixit, eumque cum recenti hoc milite  
 in Bohemiam decrevit: Priusquam ve-  
 ro hyemis intemperies bellicis hujus  
 anni expeditionibus finem imponeret,  
 Stephanus Palfius cum parva Hunga-  
 rorum manu incautius in Suecos irrum-  
 pens, feptem vulneribus confoffus in-  
 terficitur, cujus tamen corpus Hun-  
 gari victoribus extrema vi extorferunt.

Sæc. XVII.  
 A. C. 1639.

§. XCIII.

*Belli Continuatio inter Hispanos, &  
 Gallos.*

Interim haud feignius Hispano - Cæfa-  
 rei in Belgio contra Gallos, Bata-  
 vosque bellum profequebantur; post-  
 quam enim Araufionenfis Princeps  
 Geldriam incassum obsederat, & Fu-  
 querius Franciæ Marchio Theonisvil-  
 lam cingere parabat, Octavius Picco-  
 lominæus die feptima Junii cum Cæ-  
 fareo agmine tanto impetu in Gallos  
 effundebatur, ut cæfis hostium sex  
 millibus, amiffoque toto belli apparatu,  
 & quod utraque jactura gravius erat,  
 amiffa gloriæ fama, ipsum Marchio-  
 nem cum plurimis tribunis captum ab-  
 duxit.

*Calmet Hist.  
 Univ. l. 151.  
 num. 158.  
 Ferrer. con-  
 tin. Hist.  
 Hisp. cap. 2.  
 tom. 12.  
 Lotich. rer.  
 Germ. t. 2.  
 l. 10. c. 5.*

U 5